

*Nam non sacratō manans tinnitus ab ære  
Salvat; sed salvant dogmata sacra Dei.  
Ergò campanæ sonitus diverberet aures;  
Ad penitrent Cordis dogmata sacra fibras!*  
M. DANIEL Schneider/  
Dresdæ ad D. Crucis  
Diaconus.

---

**T**Innitu lauda melico, Mityveida Jehovam:

*Perpetuò celebra munera summa DEI.  
NABLIA clangorem, gratum TUBA concava cantum;  
Multiforos fundant ORGANA tacta modos.  
ORGANA, quæ PIETAS struxit DEVOTA VIRORUM  
MAGNORUM, PATRIAM qui pio amore colunt.  
TINNIAT hymnisonis in Psalms dulce Chorevma:  
TINNIAT, & resonet aura perita DEUM.  
Ceu STARCKI præsens inculcat Sermo disertus,  
Qvo grates reddit, qvo PIA DONA canit,  
STARCKI, qui præstat vitâ, qui moribus atq;  
Factis, qvod gratâ voce docere solet.  
Dum nova PATRONIS Statuarum pegmata ponit,  
Laudibus extollit dum benefacta, suis.*

**T**innitu lauda melico Mityveida Jehovam:

*Perpetuis celebra facta canenda metris.  
TINNIAT hydraulus, psalteria, Cymbala, cannæ,  
Crembala, sistræ, lyræ, barbita, plectra sonent.  
Qvod viget, ingentem vivitq; per orbitam in orbe,  
Concelebret, spirat quicquid in orbe DEUM!*

*Honoratissimo Dn Adfini, Pirithoo  
suo olim Academico intimo & sin.  
gulariter dilecto scrib.  
præfestinatim.*

M. Joh. Bohemus Poet.  
Cæsar. in Elect. Dres. Rector.

